

Бұрынғы "Қарағандышахтыкөмір" республикалық мемлекеттік кәсіпорнының берешек мәселелерін шешу жөніндегі және Қарағанды көмір бассейні кәсіпорындарын қаржы-экономикалық сауықтыру жөніндегі шаралар туралы

Қазақстан Республикасы Үкіметінің қаулысы 1997 жылғы 14 маусымдағы N 973

Бұрынғы "Қарағандышахтыкөмір" республикалық мемлекеттік кәсіпорны және "Қарағандышахтыкөмір" жабық үлгідегі акционерлік қоғамының берешек мәселелерін шешу, Қарағанды көмір бассейні кәсіпорындарын қаржы-экономикалық сауықтыру, жұмыс орындарын сақтау, инвестицияларды тарту және энергия тарату рыногында бәсекелестікті дамыту мақсатында Қазақстан Республикасының Үкіметі қаулы етеді:

1. Қазақстан Республикасының Қаржы министрлігі Қазақстан Республикасының мемлекеттік Медетші банкіне "Қарағандышахтыкөмір" жабық үлгідегі акционерлік қоғамының берешектерін қайта құрылымдау үшін Қазақстан Республикасының мемлекеттік медетші банкіне 1997 жылдың республикалық бюджетінде көзделген қаржының есебінен 438 млн.теңге сомасында қаржылық қаражат бөлсін.

2. Қазақстан Республикасының мемлекеттік Медетші банкі:

"Қарағандышахтыкөмір" жабық үлгідегі акционерлік қоғамының берешектерін қайта құрылымдауда, кестеге сәйкес (қоса беріліп отыр) көрсетілген сомалар шегінде процентсіз несие беру нысанында мақсатты қайтарымды қаржыландыруды қамтамасыз етсін;

көрсетілген несие беруді оның қайтаруын қамтамасыз ететін ("Қарағандышахтыкөмір" жабық үлгідегі акционерлік қоғамының банкроттығы туралы іс бойынша іс қозғалған жағдайда оны бірінші кезекте өтеу) "Қарағандышахтыкөмір" жабық үлгідегі акционерлік қоғамымен тиісті шарт жасау жолымен қаржыландырылған күнінен бастап 6 айдан аспайтын мерзім нысанында жүзеге асырсын.

3. Қазақстан Республикасының Қаржы министрлігі салық заңдарына сәйкес "Қарағандышахтыкөмір" ашық үлгідегі акционерлік қоғамына 1997 жылдың аяғына дейін жеке тұлғалардан табыс салығы мен Зейнетақы қоры төлемдерінен басқа салықтарды төлеу жөнінде мерзім берсін.

4. Қазақстан Республикасының Экономика және сауда министрлігі республикалық бюджет есебінен қаржыландырылатын бюджеттік мекемелер үшін көмір берушілердің конкурсын өткізу кезінде 1997 жылдың екінші жарты жылдығында "Қарағандыкөмір" ашық үлгідегі акционерлік қоғамынан республикалық бюджет мекемелеріне көмір сатып алу мүмкіндіктерін қарасын.

Облыс әкімдеріне жергілікті бюджет қаражаты есебінен көмір беруге

арналған конкурсты өткізу кезінде республикалық бюджеттік мекемелер үшін өткізілген конкурстың нәтижесі ұсынылсын.

5. Осы қаулының атқарылуына бақылау жасау Қазақстан Республикасы Премьер-Министрінің орынбасары А.С.Павловқа жүктелсін.

Қазақстан Республикасының
Премьер-Министрі

Қазақстан Республикасы
Үкіметінің
1997 жылғы 14 маусымдағы
N 973 қаулысына
қосымша

Қаражаттарды бөлу кестесі

Датасы	Сомасы (теңге)
1997 жылдың маусымы	200 000 000
1997 жылдың шілдесі	138 000 000
1997 жылдың тамызы	100 000 000
Жиынтығы	438 000 000